


MAMBWE-LUNGU - "The Two Roads"

INZILA ZIILI



UKUSOLA INZILA

Ndi twa katuka ulendo, tukuya kuno tutatala twapita, fwandi lyonsi tukauzya inzila muno tukapita. Tukapita nukulola kuno tukuya, ndi twazana vino itupongi-nzila, fwandi tukaimilila nu kulonda inzila isuma.

Fwandi wewe nane, tukapita munzila ya muni ii, kuno tukapita, ukuncende isisila, nupya muli-ki, kikusenulwa vino tulafi kako. Uzye watumanya kuno-kuya?

ULUPAPULO LWAKUTUMANYISYA

Leza uwamutende ni kituku, nga watupela ulupapulo lwakutumanyisya. Upangano, ukatunena inzila yakwi yulu. Fwandi ivimanyizyo vyati fipelwa nepepala-li, vyafuma mu Upangano-kwene-uu. "Izwi lyako lukozyo lwa maulu yane, nuluswepo panzila yane." (Masamu 119:105).

INZILA ISALALE

Inzilaii, mukazanwa antu ingi cuze. "Pano mulyango usalale, ninzila

isalale ino ikupitu ku ononesi nayano ingilamo ingi." (Mateo 7:13).

Antu ingi, amanso yao yasilola, yatamanya, nupya yasisakamala, ndi vino yakupita mu nzila yaku ononesi. "Kwaya – inzila isuma yonga kumuntu, nga lelo pa kisila canzila-zi, infwa." (Imilumbe 4:12). "Muli yano leza wansii wapafuzya melenganyo yakwe asi-ataila." (2 Kolinto 4:4)

IVIYA

Antu ya munzilai, yanyepwa nu ukakasi. "Pano onsi yaifya nukupe lelu ku ukulu wakwe Leza." (Alome 3:23). Tutanga tufise ifyo manti lyonga kuli Leza. "Antu yakalola kunzi. Leza wene akalola mukasi ka mwenzu wamunto." (1 Samual 16:7). Ni viya vyanyepwa munsinzi zyao. Wewe nane tutanga tuisiye amaifyo sweine swenga. Fwandi ikiviya kikanyoma ukuluta vino amanda yakupita-kunkolelo. "Pano malipilo yamaifyo infwa." (Alome 6:23).

IKIMANYIZYO

Ikimanyizyo kya vilengwe vir, upinguzi wa kwe Leza. "Nga Pano kyasololwu ku antu onsi kuti ya fwe lyonga, ngi kisila kyakwe ki, uputwilo wa mulandu wize." (Ayeblai 9:27). Nga ndoli kilimba kikulu kitiswe na wino watenzi-po, awino insi hi yu lu vyutuka; nga patazanyilwe wikalo wakwe-vyo. Nga ndola afwe, akalamba na anono, yala-vaimi pakilimba; ni mpapulo ziyulwe: nulupapulo luyulwe, luli lupapulo lwa umi: na afwe yaputwilwa milandu ya pa vintu vino vyalembwu mu mpapulo, viine ni milimo yao. Na wensi wino atazanwa mulembwe mulupapulo lwa umi, asumbwa muli yemba wa moto." (Uumbwilo 20:11,12,15).

UMOTO

Leza umuswepe ni kituku, akino kulaya kononeka kwa ukakasi. Amazwi yakwe Leza yakutunena vino kwaya walamo. Fwandi ncendei, akuno asi yataile Leza yalaya. Upangano ukatunena vino antu ipe onsi yalaswilila ku walamo, ni mitundi yonsi ilila Leza. (Masamu 9:17). Kisisenulwa vino wewe mwipe nga ulaya ku Walamo-foo! Mu kyumi ndi wilila Leza ulaya kweneko. Lelo Leza wene a Leza walukundo, atakasi kuti umwi afwe, lelo onsi izu ku uzenzuko." (2 Petlo 3:9). Leza umu luse lwakwe hu lukundo, wateganyi nzila ya ufyusi kuli yao akulonda ize kuno-li. **Uzye ukulonda inzila ya umi?**

INZILA YAUMI – KATULA

Vino tutanga tuitule sweine swenga ku maifyo itu, nanti ku kononeka ku maifyo itu. Leza watupela Katula. "Pano akino Leza wakundile amunsi, akino wapilu Mwana wakwe, wawilwe wenga, kuti wensi wino wamutaila atakalowe, lelo aye nu umiusisila." (Yoane 3:16). Leza tata wamwiyulu watumile Mwana wakwe a Yesu Klistu, afumu mwi yulu aiza Pano Pansi. Watenzi wa mulawa, lelo atakisile maifyo. Wakitanga visuma; waposyanga alwale, waswefyanga yakwe tembwe, wasisyanga iviwa, nupya wayelelenga maifyo. Wasambizyanga amazwi yakwe Leza.

Nga lelo, izwi lituntulu aili: Yesu walu mulawa. Navino watufwila swensi, aipela umwine-co umi wakwe usi na na maifyo, nu wazi wakwe unyome ku maifyo itu. Wazumile antu ipe ya musenda, yamumile, suka nalino umu

nsinzi yakwe mwafumangu – wazi. Nupya ya muzwika ningala yamyunga, napa kisila yamutana ni nsunga ku ngazo nukumakasa apa muti ukingane apano waculanga. "Wino mwisi kulu wasenzile maifyo itu mu mwili wakwe pamuti. (1 Petlo 2:24). Wafwile pali wewe nane.

UTUTULUKO WAKWE

Pa kisila camanda yata tu mwilindi, Yesu Klistu atutuluka ku yafwe. Wapitanga nu kuvwanga na alondezi yakwe, na pakisila ca manda makumiyani wapisile kwi yulu, kuno-li kwi kasa likungi kwakwe Leza-Umwene wikala-pe namaka yonsi... mwi yulu namuno-nsi. (Mateyo 28:18). "Kyaleka wene angafyusa pyu yano apalamila Leza muno-li Pano wene wape kukuyapapatila." (Ayeblai 7:25).

IYULU

Iyulu ili ncende kuno Leza wikala nolulumbi lwakwe lonsi. Umwi sikulu Yesu wavwanzile ati. "Pano nkuyu ku kumuteyanyizya pa kwikala. Ndi naya namuteyanyisya pakwikala, ndgwela, ndiza muule kunondi; kuti kuno ndi, akuno namwe kwene mukaye." (Yoane 14:2,3).

Ncende i iyakuzunguka akuno "Leza alakumbuli minsozi onsi ku manso yao; ninfwa itaya nupya; nantu kulosya, nantu kulila, nantu kuwaika, vitalaya nupya vintu vyankolelo vila-vyati- vipita." (Uumbwilo 21:4; 22:5).

Incendi ya muzilo. "Nga kutalaingilamo ki mwi kifitalile, nanta wino akakiti vya winyi ni ntupe, suka yao kwene alembwu mu lupapulo lwakwe Mwana-nfwele ulwa umi." (Uumbwilo 21:27).

Lelo kwaya sue inzila yonga yakwi yulu. Umwisikulu Yesu wavwanzile ati, "Nene ndi nzila, ni kyumi, nu umi, pasi umwi angi za kuli tata, suka wizila pali nene!" (Yoane 14:6). "Nga pasi na muze angatula, pano pasi zing lyuze mumsi, lyapelwa ku antu mulilin tungafyusiwa!" (Milimo ya Apostolo 4:12).

TUNGAZANA ULI INZILA YAKWI YULU ?

1. "Zenzukini, mutaili Landwe lisuma." (Mako 1:15). Ukuzenzuka, ukwilila maifyo nukuya kuli Leza ni myezo itu yonsi.

2. Ndingini kuli Yesu nukupepa, ni kiviya kinu ca maifyo ama muyela uluse akuti "Nga wino kuno-ndi ntalamuzingila kwanzi." (Yoane 6:37). Ndingini kuno-ndi, mwensi mwe muno muku ombesya mwanyomelwa, nga namamupelu upuzo." (Mateo 11:28).

3. Taila muli Yesu ku utallo wako sile. "Nu wazi wakwe Yesu Mwana-kwe watuswefyu kumaifyo onsi." (1 Yoane 1:17).

4. Alakupela umi upya... Uwamanda-pe. Yesu wavwanzile, Kyumi Kyumi namunena nati. Wensi wino akuuvwi izwi lya ne nu kutaila wino wantumile, akwetu umi usisila, ataliza kwa uputuzi wa milandu lelo wene watafumu munfwa ayu ku umi." (Yoane 5:24). "Kyaleka ndu muntu umwi ali muli Yesu ali kiumbwa kipya; Vintu vya mpiti vyasila; lolini vyayi vipya." (2 Kolinto 5:17).

5. Ulakwata mutende nu utailo. "Kyaleka pano twati tu-vunwa pautailo tuye nu kuyelezyanya na Leza mu mwene witu Yesu Klistu." (Alome 5:1).

"Nau usimikilo, vino Leza watupilu umi wape, nu umi u, uli mu Mwana

wakwe. Wino ali nu Mwana, ali nu umi. Wino asi na Mwana Leza asi nu umi u. Vintu vi nati-mulembela, kuti mumanye vino muli nuumi wape." (1 Yoane 5:11-13).

VINO UNGAZANA UMI UPYA

1. **Wabelenga Uupangano** manda onsi. Pano luli luswepo mu nzi la itu nupya icakulya caumi. "Watunya kwakivyalwa, mulondesyi iyele lya mupasi lyaulwa ukyengyezi kuti mukule nalyo ku ufyusi ndi mwati mutoma vino Mwene ali nu luse." (1 Petlo 2:2). Uzya Leza amakutangulula nukukusambizya lino ukubelenga, nupya nu mupasi wa muzilo wakwe.
2. **Ndanga kuli Yesu nu kupepa manda onsi**, wapepa mwi zina lyakwe Yesu. "Mutasakamala kimwi; lelo muli vyonsi mukupepa nukulenga nukutaizya, milombele inu imanyike kuli Leza. Ni Kituku kyakwe Leza kino kilusile kyonsi kino tunga manya kilakingi myenzo na melenganyo inu muli Klistu Yesu!" (Filipi 4:6,7).
3. **Wavwanga kuli yauze Pali Yesu**. "Pitu ku mwinu kuli akyuza yako, kayalandili vintu vikalamba vino Mwene wakukitila na vinowakulangililu luse!" (Mako 5:19).
4. **Mukweziwa waama ku Mwene**. "Pano mwisikulu we ziwe muli kino wa kyuzile, ali namaka yakwazwa yano akweziwa. (Ayeblai 2:18).
5. **Ndi wasilila ku maifyo nupya uzensuke kuli Yesu zuwa zuwa**. "Ndi tukwilongwela maifyo itu, wene ali wakutailwa nu wa kyumi kutwelela maifyo itu, nukutuswefyu ku-ukakasi onsi." (1 Yoane 1:9).
6. **Waezya nu kuvwana na utailo yauzo mumwene Yesu Klistu**. "Lili sunde lyane, kuti mutemwane, ndi vino nemo namutemwa." (Yoane 15:12).
7. **Lyonsi wauvwila Leza**. "Ndu muntu wantemwa, amalemi izwi yane." (Yoane 14:23).
8. **Utaopa pano Klistu ali nawe**. "Pano mwisikulu watii ntalakyefya, ntalakyusa." (Aleblai 13:5).
9. **Utaikuzya we mwine wenga ku Mwene Yesu Klistu**. Wene amatungulula umwenzu wako wakwe vino akulonda. Nu munzilai, ulazana kuzanga mu kyumi. Umwene Yesu ali **Katula sile** nupya ali **Katula muswepe**. Ale wenga sile wamulela.

If you have found salvation in Christ, or have been otherwise blessed through our Gospel literature, please let us know. We would like to thank God with you, and remember you further in our prayers.

For **free** Gospel literature, books and tracts in over 540 languages, write to:

E-MAIL: info@angp.co.za

ALL NATIONS GOSPEL PUBLISHERS

P.O. Box 2191, PRETORIA, 0001, R.S.A.

(A Gospel Literature Mission financed by donations)

(Reg. No. 1961/001798/08)